



La Quotidiana
7007 Cuiria
081/ 255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'074
Erscheinungsweise: 5x wöchentlich

Seite: 7
Fläche: 28'868 mm²

Auftrag: 1093491
Themen-Nr.: 140.003

Referenz: 73128979
Ausschnitt Seite: 1/1

Precara situaziun dils cristians en Siria

Pader Georges Aboud orientescha el Grischnun

Lucia Wicki-Rensch

■ **ils 4 – 7 d'avrel 2019 viseta pader Georges Aboud, plevon a Damascus, la Svizra ed informescha davart la precara situaziun dils cristians en Siria. El colligia quei cun survetschs divins era el Grischnun.** Ils cristians en Siria han pitu enorm dall'uiara. Alla tiara mauncan victualias, medischinas ed ell'ei confruntada cun ina gronda miseria humanitara. Ils cristians, che fuorman en quella tiara islama ina minoritad, vegnan persequitai surtut da gruppas terroristicas sco il Stadi islamic ni Al Qaida. Tenor indicaziuns dalla Baselia orientala ei il diember dils cristians sereducius en quella regiun dil Proxim Orient ils davos onns da 2,5 mil-

liuns sin actualmein 700 000 fideivels. En Siria dat ei cristians surtut els marcaus da Damascus, Aleppo e Homs.

Pader Georges Aboud ei plevon dalla pli gronda pleiv a Damascus cun 15 000 parochians. El ei spiritual dalla baselia melchita-grec-catolica. Quella ei seseperada el 18. tschentaner dalla Baselia grec-ortodoxa e s'unida sut Papa Benedetg XIII (1724–1730) cun Roma. La sedia dil patriarc secatta a Damascus. Ils survetschs divins dils melchits vegnan celebrai en arab tenor ritus bizantin. Sigl entir mund, oravontut el Proxim Orient, mo era els Stadis Uni ed en Frontscha, ha quella Baselia 1,3 milliuns commem-

bers.

En Svizra vegn pader Aboud sin invit dall'Ovra catolica d'agid «Baselia en miseria» (Kirche in Not). Dapresent sustegn quella ovra 65 projects per migliorare la situaziun da viver dils affons e per dar ina perspectiva a giuvenils e students. Dapi che l'uiara ei rutta ora 2011 en Siria ed ha purtau immensas devastaziuns e gronda miseria, ha quell'ovra d'agid impundiu leuen prest 34 milliuns francs per divers projects.

Messas a Cuera ed en Lumnezia

Pader Georges Aboud fa messa, priedi ed orientescha a:

Cuera: catedrala, sonda, ils 6-4-2019 allas 18.00

Vella-Pleif: dumengia, ils 7-4-2019 allas 9.15

Degen: dumengia, ils 7-4-2019 allas 10.30



In pauper viver denter ruinas ad Aleppo.

MAD